

Handwritten signature

Broj: 03-02-310-2/2025 EL
Sarajevo, 18.07.2025. godine

FEDERALNO MINISTARSTVO KULTURE I SPORTA
gđa. Sanja Vlasisavljević, ministar

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO KULTURE I SPORTA
SARAJEVO

Primljeno:	23-07-2025		
Org. jed.	Klasif. oznaka	Radni broj	Broj priloga
03	45	3559	25

FEDERALNO MINISTARSTVO FINANSIJA/FINANCIJA
gosp. Toni Kraljević, ministar

Poštovani,

U prilogu Vam dostavljam Odluku o utvrđivanju kriterija i raspodjele ostatka dijela sredstava utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta sa ekonomskog koda „Kapitalni transferi drugim nivoima vlasti i fondovima – Izgradnja, adaptacija i rekonstrukcija institucija kulture“, V. broj: 1224/2025 od 17.07.2025. godine, koju je Vlada Federacije Bosne i Hercegovine donijela na 226. hitnoj sjednici održanoj 17.07.2025. godine.

S poštovanjem,

SEKRETAR VLADE
dr. sci. Edita Kalajdžić

Prilog: Kao u tekstu

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 33. stav (1) tačka n) i stava (3) Zakona o izvršavanju Budžeta Federacije Bosne i Hercegovine („Službene novine Federacije BiH“, broj: 7/25), Vlada Federacije Bosne i Hercegovine, na 226. hitnoj sjednici, održanoj 17.07.2025. godine, donosi

ODLUKU
O UTVRĐIVANJU KRITERIJA I RASPODJELE OSTATKA DIJELA SREDSTAVA
UTVRĐENIH BUDŽETOM FEDERACIJE BOSNE I HERCEGOVINE ZA 2025.
GODINU FEDERALNOM MINISTARSTVU KULTURE I SPORTA SA EKONOMSKOG
KODA „KAPITALNI TRANSFERI DRUGIM NIVOIMA VLASTI I FONDOVIMA -
IZGRADNJA, ADAPTACIJA I REKONSTRUKCIJA INSTITUCIJA KULTURE“

I.

Ovom odlukom utvrđuju se kriteriji i raspodjela ostatka dijela sredstava utvrđenih u Budžetu Federacije Bosne i Hercegovine za 2025. godinu („Službene novine Federacije BiH“, br. 7/25), razdjel 52 glava 5201 Budžeta, ekonomski kod 615100 - „Kapitalni transferi drugim nivoima vlasti i fondovima - Izgradnja, adaptacija i rekonstrukcija institucija kulture“ u iznosu od 5.000.000,00 KM.

II.

Sredstva u iznosu od 5.000.000,00 KM iz tačke I. ove odluke dodijeliće se opštinama, gradovima, kantonima za finansiranje/sufinansiranje projekata/zahtjeva/ inicijativa koji se realizuju u 2025. godini u kantonima, gradovima i opštinama.

III.

Sredstva iz tačke II. ove odluke bit će dodijeljena opštinama, gradovima, kantonima za finansiranje/sufinansiranje projekata/zahtjeva/inicijativa iz sljedećih oblasti:

- centri kulture, pozorišta, muzeji, arhive, galerije, biblioteke, koncertne dvorane i za druge objekte u kojima se odvijaju djelatnosti kulture.

IV.

Raspodjela ostatka dijela sredstava kapitalnog transfera utvrđenog ovom odlukom vršit će se u skladu sa opštim i posebnim kriterijima.

Kriteriji za raspodjelu ostatka dijela sredstava su podijeljeni na opšte i posebne:

Opšti kriteriji:

1. čitko (elektronski) popunjena, potpisana i ovjerena prijava na javni poziv na obrascu koji je dostupan na web stranici Federalnog ministarstva kulture i sporta;
2. jasno i realno opisan cilj navedenog projekta;
3. razrađen budžet za navedeni projekat;
4. ovjerena izjava da je, odnosno da će sredstva biti utrošena za projekte koji se realizuju u 2025. godini.

Uvjeti iz opštih kriterija su eliminatorni.

Posebni kriteriji za raspodjelu ostatka dijela sredstava programa kapitalnog transfera - mjerljivost:

1. izjava o sufinansiranju sa dokazima - ako je riječ o sufinansiranju;
2. potvrda/preporuka o prethodnoj/prethodnim fazama realizacije projekta od finansijera/sufinansijera;
3. projektno-tehnička dokumentacija - glavni projekat ili izvedbeni prijedlog projekta ili idejni prijedlog projekta;
4. zrelost projekta - osigurani uslovi za realizaciju projektnih aktivnosti, građevinska ili urbanistička dozvola;
5. jasan, realan i izvediv vremenski plan radova u skladu sa stanjem objekta;
6. izjava ovlaštene osobe o uticaju projektnog prijedloga na razvoj lokalne zajednice;
7. ugovor sa izvođačem radova ili ponuda izvođača radova;
8. namjena objekta kulture;
9. fotodokumentacija objekta za koji se aplicira;
10. doprinos projekta kvaliteti života u lokalnoj zajednici i Federaciji Bosne i Hercegovine.
11. kvalitet projekta.

Br.	NAZIV PROGRAMA	SVRHA PROGRAMA	Organizacija – primalac	Iznos
1.	2.	3.	4.	5.
1.	Kapitalni transfer drugim nivoima vlasti i fondovima – izgradnja, adaptacija i rekonstrukcija institucija kulture	Izgradnja, adaptacija i rekonstrukcija institucija kulture	Opština/Grad/Kanton	5.000.000,00
UKUPNO:				5.000.000,00

V.

Vlada Federacije Bosne i Hercegovine će stupanjem na snagu ove odluke, objaviti Javni poziv za podnošenje prijava za finansiranje/sufinansiranje projekata/zahtjeva/inicijativa iz tačke III. ove odluke.

Tekst Javnog poziva s kriterijima utvrdit će Vlada Federacije Bosne i Hercegovine i isti će biti objavljen na mrežnoj stranici Vlade Federacije Bosne i Hercegovine i u dnevnim novinama.

VI.

Vlada Federacije Bosne i Hercegovine će formirati Komisiju koja će utvrditi formalno-pravnu ispravnost projektnih aplikacija i izvršiti bodovanje te na osnovu toga sačiniti bodovnu listu korisnika koji su ispunili uslove javnog poziva.

Listu će sa zapisnikom Komisija dostaviti Federalnom ministarstvu kulture i sporta. Federalno ministarstvo kulture i sporta će na temelju bodovne liste iz stava (1) ove tačke sačiniti Prijedlog odluke o izboru korisnika sredstava i dostaviti Vladi Federacije BiH na razmatranje i donošenje.

VII.

Vlada Federacije Bosne i Hercegovine će Odlukom o izboru korisnika sredstava utvrditi konačne iznose sredstava koji će se doznačiti pojedinim opštinama, gradovima, kantonima iz tačke II. ove odluke, dinamiku doznačavanja, te način izvještavanja o utrošenim sredstvima.

VIII.

Federalno ministarstvo kulture i sporta će nakon što se donese konačna Odluka o izboru korisnika, sredstva prenijeti na račun korisnika sredstava odobrenog projekta koji je dužan opravdati sredstva realizovanih projekata najkasnije do 31.12.2025. godine.

IX.

Korisnici sredstava su obavezni dodijeljena sredstva koristiti isključivo namjenski i dostaviti izvještaj sa kompletnom dokumentacijom kojom se dokazuje namjenski utrošak sredstava na način i u roku koji će se regulisati ugovorom sa Federalnim ministarstvom kulture i sporta.

X.

Federalno ministarstvo kulture i sporta vršit će kontrolu namjenskog utroška odobrenih sredstava. Kontrola će se vršiti na osnovu dostavljenih izvještaja korisnika, a po potrebi i neposredno kod korisnika sredstava.

XI.

Za realizaciju ove odluke zadužuju se Vlada Federacije Bosne i Hercegovine, Federalno ministarstvo finansija i Federalno ministarstvo kulture i sporta, svako u okviru svoje definisane nadležnosti.

XII.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 1224/2025
17.07.2025. godine
Sarajevo

